

史記扁倉傳補注
中



史記扁鵲倉公傳補註中卷

漢太史令

清史稿
卷一百一十五
職官
馬亮遷
譔

宋中郎外兵曹參軍裴駙集解

唐國子博士宏文館學士司馬貞索隱

唐諸王侍讀率府長史張守節正義

雙流張驥補註

太倉公者齊太倉長臨菑人也姓淳于氏名意

正義括地志云淳于國城在密州安邱縣東北三十

里古之斟灌國春秋州公如曹傳云冬淳于公如曹

注水經云淳于縣夏后氏之斟灌國也周武王以封

淳于公號淳于國也

補注漢書藝文志大古岐伯俞拊中世有扁鵲秦和
漢興有倉公刑法志文帝十三年齊太倉令淳于公
有罪當刑防獄逮繫長安獄百官表縣令長皆秦官
萬戶以上爲令減萬戶爲長二十二史考異孝文紀
作太倉令意之名無所避而此傳稱淳于公又稱太
倉公目錄亦稱倉公而不名晉皇甫謐甲乙經序漢
有倉公其學皆出於素問蓋當時有此稱史公因而
書之惟曰令曰長爲小異耳

少而喜醫方術高后八年更受師同郡元里公乘陽慶

正義百官表云公乘第八爵也顏師古云言其侍乘公之車也

考証正義百官表云云臣照按公乘蓋以爵爲氏如壺關三老公乘興是也乘是陽慶之氏非爵也

補注陽姓周景王封少子於陽樊後裔避周亂適燕因邑爲氏司馬相如子虛賦陽子驂乘註謂古仙人陽陵春秋時晉有陽處父莊子應帝王有陽子居漢有陽翁伯陽慶者當姓陽名慶也

慶年七十餘無子使意盡去其故方更悉以禁方予之傳黃帝扁鵲之脈書五色診病



正義八十一難云五藏有色皆見於面亦當與寸口尺內相應也其面色與相應已見前也

補注漢書藝文志有黃帝內經十八卷外經三十七卷扁鵲內經九卷外經十二卷素問示從容論臣誦誦脈經上下篇甚眾多矣別異比類猶未能以十全脈要精微論精明五色者氣之華也赤欲如白裹朱不欲如赭白欲如鵝羽不欲如鹽青欲如蒼璧之澤不欲如藍黃欲如羅裏雄黃不欲如黃土黑欲如重漆色不欲如地蒼靈樞五色篇明堂者鼻也闕者眉間也庭者顏也蕃者頰側也蔽者耳門也青黑爲痛

黃赤爲熱白爲寒五臟生成論面黃目青面黃目赤
面黃目白面黃目黑者皆不死面青目赤面赤目
面青目黑面黑目白面赤目青皆死此五色診法不
具引

知人死生決嫌疑定可治及藥論甚精受之三年爲人
治病決死生多驗然左右行遊諸侯不以家爲家或不
爲人治病病家多怨之者文帝四年中人上書言意以
刑罪當傳西之長安

索隱傳音竹戀反傳乘傳送之

補註漢書作淳于公有罪當刑防獄逮繫長安

意有五女隨而泣意怒罵曰生子不生男緩急無可使者於是少女緹縈傷父之言乃隨父西

索隱緹音蹄縈音紆縈反

補註漢書作緹縈自傷悲泣迺隨其父至長安

上書曰妾父爲吏齊中稱其廉平今坐法當刑妾切痛死者不可復生而刑者不可復續

集解徐廣曰一作贖

補註漢書作刑者不可復屬

雖欲改過自新其道莫由終不可得妾願入身爲官婢以贖父刑罪使得改行自新也

新
補註漢書作妾願沒入爲官婢以贖父刑罪使得自

書聞上悲其意此歲中亦除肉刑法

集解徐廣曰按年表孝文十二年除肉刑

正義漢書刑法志云孝文卽位十三年除內刑三孟

康云黥劓二左右趾一凡三班固詩三王德彌薄惟

後用肉刑太倉令有罪就遞長安城自恨身無子困

急獨煢煢小女痛父言死者不可生上書詣闕下思

古歌鷄鳴憂心摧折裂晨風揚激聲聖漢孝文帝惻

然感至情百男何憤憤不如一緹縈



南京中醫藥大學圖書館版權所有

補註肉刑謂墨劓剕宮之刑也文帝易當黥者髡鉗
爲城旦春當劓者笞三百當斬左止者笞五百當斬
右止及殺人先自告及吏坐受賕枉法守縣官財物
而卽盜之已論命復有笞罪者皆弃市周禮疏文
赦肉刑惟赦墨劓與剕三者宮刑至隨乃赦也

意家居詔召問所爲治病死生驗者幾何人主名爲誰
詔問故太倉長臣意方伎所長及所能治病者

集解徐廣曰一作爲爲亦治

有其書無有皆安受學受學幾何歲嘗有所驗何縣里
人也何病醫藥已其病之狀皆何如具悉而對臣意對

年
曰自意少時喜醫藥醫藥方試之多不驗者至高后八

集解徐廣曰意年二十六

補註漢書藝文志有醫經七家二百一十六卷經方
十一家二百七十四卷

得見師臨菑元里公乘陽慶慶年七十餘意得見事之
謂意曰盡棄而方書非是也慶有古先道遺傳黃帝扁
鵲之脈書五色診病知人生死決嫌疑定可治及藥論
書甚精我家給富心愛公欲盡以我禁方書悉教公臣
意卽曰幸甚非意之所敢望也臣意卽避席再拜謁受

其脈書上下經五色診奇咳術

集解駟案奇音羈咳音該

正義八十一難云奇經八脈者有陽維有陰維有陽
蹻有陰蹻有衝有督有任有帶之脈凡此八者皆不
拘於經故云奇經八脈也顧野王云咳當寅也又云
肱指毛皮也藝文志有五音奇肱用兵二十二卷許
慎云肱軍中約也

考証史通曰倉公傳稱其傳黃帝扁鵲之脈書五色
診病知死生決嫌疑定可治召問其所長對曰傳黃
帝扁鵲之脈書以下宅文盡同上說夫上既有其事

下又載其言言事雖殊委曲何別按遷之所述多有此類而劉揚服其善敘事也何哉

補註奇咳言奇祕非常術也淮南子兵畧訓刑德奇資之數廣韻作奇咳亦作奇賅賅賅賅資咳五字皆通玉篇賅奇也非常也素問方盛衰論是以聖人持診之道先後陰陽而持之奇恆之勢乃六十首知此乃足以診註奇恆勢六十首今世不傳當卽此奇咳術也

撥度陰陽外變藥論石神接陰陽禁書受讀解驗之可一年所明歲卽驗之有驗然尙未精也要事之三年所

卽嘗已爲人治診病決死生有驗精良今慶已死十年所臣意年盡三年年三十九歲也

考証顧炎武曰按徐廣註高后八年意二十六當作年盡十三年年三十九歲也脫十字孝文本紀十三年除肉刑

補註讀書雜志受讀解驗之可一年所案一年所猶言一年許也許與所聲近而義同小雅伐木許許說文引作伐木所所漢書疏廣傳數問其家金餘尙有幾所顏師古曰幾所猶言幾許也是其証曰要事之三年所又曰今慶已死十年所下文腎部上及界要



以下者枯四分所又曰十八日所而病愈續滑稽傳
曰率取婦一歲所者卽弃去漢書游俠傳原涉居谷
口半歲所檀弓註封高四尺所正義曰所是不定之
辭義竝與此同

齊侍御史成自言病頭痛臣意診其脈告曰君之病惡
不可言也卽出獨告成弟昌曰此病疽也內發於腸胃
之間後五日當癰腫後八日嘔膿死

集解疽駟案七如反

正義癰腫上於恭反下之勇反膿女東反

補註靈樞癰疽論熱氣淳厚下陷肌肉筋髓枯內連

五臟血氣竭當其癰下筋骨良肉皆無餘故命曰疽
又曰寒氣化爲熱熱勝則腐肉肉腐則爲膿膿不得
寫則爛筋筋爛則傷骨骨傷則髓消不當骨空不得
泄瀉血枯空虛則筋骨肌肉不相營經脈敗漏蒸於
五臟臟傷故死玉版篇陰陽不通兩熱相搏乃化而
爲膿又曰膿已成十死一生素問氣穴論邪溢氣壅
脈熱肉敗榮衛不行必將爲膿按癰壅癰三字竝通
成之病得之飲酒且內成卽如期死

補註案多妻妾曰內左傳齊桓公好內有如夫人者
六人又秦伯使醫和視晉侯疾曰不可爲也是謂近

女室女陽物而晦時淫生內熱之疾上古天真論今
時之人以酒爲漿以妄爲常醉以入房以欲竭其精
以耗散其真又酒入於胃則絡脈滿而經脈虛脾中
爲胃行其津液者也若飽以入房氣聚於脾中不得
散酒氣與穀氣相薄熱盛於中故熱遍於身內熱而
溺赤也註房謂房室之事卽交構也靈樞百病始生
篇醉以入房傷脾五日癰腫五爲土之生成數曰八
日嘔膿八爲木之成數也

所以知成之病者臣意切其脈得肝氣肝氣濁而靜此
內關之病也

集解徐廣曰濁一作胝靜一作清

正義八十一難云關遂入尺爲內關呂廣云脈從關至尺澤名內關也

補註素問四時調神大論逆春氣則少陽不生肝氣內變王冰注生言動出也陽氣不出內鬱於肝則肝氣混糅變而傷矣故此云濁而靜陰陽應象論清陽爲天濁陰爲地陰靜陽躁五藏生成論肝者陽中之少陽今肝氣脈濁而靜是病不應脈故曰內關宣明五氣篇陽入於陰則靜靜謂不能動之也金匱臟府經絡先後病脈證篇濁邪居下濁謂重濁之邪氣也

